

## Pirâsministeriö almostitij eettisijd ravvuid ráđádâlmij já oovtâstpargo sâmpalgâsij puásuituálleiguin várás

**Pirâsministeriö lii almostittám OA biodiversitetsopâmušân vuáduuvvee eettisijd ravvuid ráđádâlmij já oovtâstpargo sâmpalgâsij puásuituálleiguin várás. Ravvui ulmen lii hammiđ oovtâhámâsijd vuáválâšvuodâid sehe nanodiđ ráđádâlmij vaiguttejeevuodâ.**

OA biodiversitetsopâmuš tuubdâst algâaalmugij já páihálâšsiärvusij vuoigâdvuodâ kevttiđ luánduriggoduvâid ärbivuávâlijn já kilelis vuovvijn, ávhástállâđ ärbivuávâlij tiäđuiskuin sehe uásálistiđ sijjân kyeskee miärädâsâi tohâmân. Suomâst sopâmuš kuáská sâmmilijđ.

Suomâst pirâsministeriö koordinist aalmuglii äššitobdeejuvhu, mon pargon lii ovdediđ OA biodiversitetsopâmuš artikla 8(j) aalmuglii tooimânpieijâm sâmmilij päikkikuávlust. Artikla siskeeld iävtutátulijđ ravvuid, moh uálgutteh nanodiđ algâaalmugij uásálistem sehe suojâliđ já anneeđ sii kulttuuräربي já ärbivuávâlii tiäđuid ävkkkin luándu maanġáhámâsâšvuodâ turvim uássin.

## Ulmen nanosub uásálistem já luáttámuš

Sâmpalgâsij puásuituálleiguin ráđádâlmân já oovtâstpaargon lohtâseijee eettisiih ravvuuh láá rahtum oovtâstpargoost Sâmpalgâseh ry:in. Toimâmravvui pilotistem lii aalmuglávť merhâšittee lävkkki. Ulmen lii hammiđ čielgâ já luáttámuš nanodeijee vuáválâšvuodâid, moh tuárjuh sâmmilij tuotâvuodâlii uásálistem já munemietâmuš sijjân kyeskee haavâin. Ravvuuh láá čuosâttum eromâšávť virgeomâháid já almos haldâttâhpargoid tipšoo tuáimeid.

”Ráđádâllâmkenigâšvuodâ já oovtâstpargo pyereeb keevâtlâš olâšume láá iähtun sâmmilij merhâšittee uásálistmân já sii vuoigâdvuodâi turviimân”, pááhud ravvui ráhtimist fáárust lamaš pirâsneuvos **Lotta Manninen** pirâsministeriöst.

”Puásuituálulaavâ siskeldem virgeomâhái ráđádâllâmkenigâšvuotâ lii puárâsmâm, virgeomâhááh tobdeh tom hiäjuht já ton tooimânpieijâm lii kirjâá”, kovvee Sâmpalgâseh ry saavâjođetteijee **Tiina Sanila**.

”Tondiet Sâmpalgâseh ry lii halijđâm ovdediđ puásuituálulaavâ ráđádâllâmkenigâšvuodâ tooimânpieijâm já tulkkum stuorrâ ovdánemlaavhijđ váldâm aalmugijkoskâsii algâaalmugrievti vuáduđ. Ton lasseen OA biodiversitetsopâmuš addel ovdedem várás šiev vuáđu.”

Ravvui ráhtimân uásálistâm algâaalmugrievti dooseent **Leena Hansen** tiäddut tuotâvuodâlii vuárusavâstállâm turvim ráđádâlmijn. Ulmen kalga leđe ohtsii ibárdâs juksâm já sâmmilij mietâmuš toimâid, moh vaigutteh sii vuoigâdvuodâid.

”Sâmmilij riävtälâš sajadâh algâaalmugin, mast lii vuoigâdvuotâ jieijâs kielâ já kulttuur paijeentolâmân já oovdedmân, puáhtá ráđádâlmâid jieijâs eromâšjiesvuodâid. Aalmuglijđ ráđádâllâmkenigâšvuodâid kalga ain tulkkuđ já heiviittiđ sâmmilij vuáđu- já olmoosvuoigâdvuodâi vuáduđ”, Hansen iätá.

Eettisiih ravviih láá rahtum *MÁHTUT – Saamelainen tieto ja käytännöt vihreän siirtymän aikakaudella (MÁÁTUH – Sâmmilâš tiäťu já vuáválâšvuodâh ruánâá sirdâšume äigipaaġeest)* - haavâst oovtâstpargoost Sâmpalgâseh ry:in já pirâsministeriöin. Ravvuid láá čáállâm OTT,

algâalmugrievi dooseent Leena Hansen já YTT Saara Alakorva Laapi ollâopâttuvâst sehe Sämipalgâseh ry saavâjodettejee Tiina Sanila.

### **Lasetiäduh**

Lotta Manninen, pirâsneuvos, pirâsministeriö, [lotta.manninen@gov.fi](mailto:lotta.manninen@gov.fi)

Tiina Sanila, saavâjodettejee, Sämipalgâseh ry, [sami.balgosat@gmail.com](mailto:sami.balgosat@gmail.com)

### **Liŋkah almostitmân**

[Rivttes vuohki, Olmâ vyehi, Ôlmmvue'kk – Oikea tapa: YK:n biodiversiteettisopimukseen pohjautuvat eettiset ohjeet neuvotteluihin ja yhteistyöhön saamelaispaliskuntien poronhoitajien kanssa](#)